



Jumat, 23 Juni 2023
Ogen : Joel 3:16-21



Tuhan Masu-Masu BangsaNa



Bangsa Israel e me bangsa pilihan Tuhan, keleng ateNa la erbaleng kempaksa. Kiniseran sinialaken bangsa enda i bas kerehen labang si nerang kerina sinuan-sinuan ngekernepen juma-juma bangsa Israel. Si enda jadi erkiteken kinilapatuhen bangsaNa. Tapi kalak sierkadiola dengen mulihken kempak Tuhan i bas paksana ngaloken pasu-pasu kap.

Renungenta paksa enda nuriken maka i bas paksana Dibata ncidahken kuasaNa. IberekenNa me pasu-pasu man bangsaNa e me arah Jerusalem lanai ndigan pe italuken, deleng-deleng dem alu peken anggur, asuh-asuhen dem i bas tiap-tiap uruk, lau erburak-burak. Sumbul lau e rehna i bas Rumah pertoton nari maler ku baluren Akasia. Daerah enda mesera kel ndatken lau, tapi i bas paksa enda ituriken maka lau e erburak bas rumah pertoton nari. Rumah Tuhan e jadi ulu lau. La terjeng i bas rumah pertoton singenanamisa tapi lau e ipepaler ku Akasia. Si enda ngatakenca maka Dibata e me ulu pasu-pasu. Pasu-pasu e ialoken i bas rumah pertoton nari, alu kata sideban bas Dibata nari, sabap Dibata ringan i bas rumah Pertoton. Kepeken pasu-pasu e la ngadi i bas rumah pertoton tapi ipepaler pe ku ingan sidebanna.

Ngatakenca man banta maka pasu-pasu si ialoken kita i bas Dibata nari arus ipepaler nandangi kalak sideban. Enggo melala pasu-pasu e ibereken Dibata man banta, tapi labo terjeng man banta saja, perlu pepaler pe ku kalak sideban segelah inanamina ka. Kita me jadi pancur pasu-pasu si ipake Dibata. Selaku nande i tengah jabu ibabai kita segelah ngit erbagi pasu-pasu e, janah tek kita pasu-pasu e pe erburak-burakna reh ku bas kegeluhenta.

🔪 Geluhku jadi pasu-pasu man kalak sideban